



Broj: 101-1641/09
Sarajevo, 11. 11. 2009. godine

13. 12. 2009

02-50-1-16-37/09

PARLAMENTARNA SKUPŠTINA
BOSNE I HERCEGOVINE
DOM NARODA
SARAJEVO

Predmet: Odgovor na poslaničko pitanje poslanika Zorana Koprivice

Poslanik Zoran Koprivica uputio je poslaničko pitanje Centralnoj banci Bosne i Hercegovine u kojem pita da li se u narednom periodu planiraju posebne mjere u bankarskoj i kreditnoj politici u BiH, pored već donijete odluke o mogućnostima reprogramiranja kredita građanima koji su izgubili posao zbog recesije, odnosno pravnim licima koja su u izuzetno teškoj situaciji zbog kreditne prezaduženosti i ekonomske krize. Poslanik ističe da mjere koje su donesene nisu dovoljnije, naglašavajući da ekonomsko stanje u BiH konstantno upućuje na težak položaj kako građana tako i pravnih lica u BiH.

Pitanje je upućeno i Agenciji za bankarstvo Bosne i Hercegovine.

Prije svega želimo istaći da u Bosni i Hercegovini rad banaka kontrolišu i prate agencije za bankarstvo koje su osnovane na entitetskom nivou, tj. Agencija za bankarstvo Federacije Bosne i Hercegovine i Agencija za bankarstvo Republike Srpske.

Centralna banka Bosne i Hercegovine u skladu sa odredbama Zakona o Centralnoj banci Bosne i Hercegovine koordinira rad agencija za bankarstvo i u okviru svojih zakonom utvrđenih nadležnosti zadužena je između ostalog da, poštujući princip carenncy boarda, definiše, usvoji i kontrolišu monetarnu politiku Bosne i Hercegovine i izdavanje, puštanje u opticaj i povlačenje novca Bosne i Hercegovine.

Agencija za bankarstvo Federacije Bosne i Hercegovine i Agencija za bankarstvo Republike Srpske donijelu su odluke o privremenom reprogramiranju kreditnih obaveza fizičkih lica, kojim su propisale da fizička lica koja su ostala bez posla, kojima je plata znatno smanjena i koja plate primaju neuredno, mogu bankama kod kojih su kreditno zaduženi, do 31.12. 2009. godine podnijeti zahtjev za reprogramiranje kreditnih obaveza. Tom odlukom su banke obavezane da agenciji podnose izvještaje o broju kreditnih obveznika koji su podnijeli zahtjev i broju reprogramiranih kredita na osnovu podnesenih zahtjeva.


Centralna banka Bosne i Hercegovine se obavezuje da će na prvom narednom koordinacionom sastanku sa agencijama za bankarstvo postaviti pitanje da li imaju namjeru predlagati i druge mjere kako bi se građanima i pravnim subjektima u Bosni i Hercegovini olakšale posljedice recesije.

Imajući u vidu da su svi propisi kojima se uređuje poslovanje banaka na entitskom nivou, Centralna banka Bosne i Hercegovine, izuzev preporuka agencijama za bankarstvo, može i upozoravati da je svojim mjerama (smanjenje obavezne rezerve, korekcijom naknade na obaveznu rezervu, stalnom brigom da bankama stavi na raspolaganje gotovinu kako KM tako i

EUR) učinila maksimalno da onemogući banke da izgovor za smanjenje plasiranja novca nalaze u restriktivnim mjerama Centralne banke Bosne i Hercegovine

Poštovani poslaniče Koprivica, znamo da nismo dali potpun odgovor na vaše pitanje, ali ne zbog toga što za takav odgovor nemamo znanja, nego isključivo zbog toga što u okviru zakonom utvrđenih nadležnosti nismo u mogućnosti dati konkretniji odgovor.

G U V E R N E R
dr Kemal Kozarić





02-50-1-16-37/09
17.11/09
y

Broj: 01-5-3239/09
Sarajevo, 11.11.2009. godine

17. 11. 2009. god.
02-50-1-16-37/09

**Parlamentarna skupština
Bosne i Hercegovine**
Dom naroda
71 000 Sarajevo

**Predmet: Odgovor na poslaničko pitanje poslanika Doma naroda
Parlamentarne skupštine Bosne i Hercegovine, gđina
Zorana Koprivice**

Gđin Zoran Koprivica, poslanik u Domu naroda Parlamentarne skupštine Bosne i Hercegovine je na 37. sjednici Doma naroda, održanoj 19.10.2009. godine, postavio pitanje Centralnoj banci Bosne i Hercegovine i entitetskim agencijama za bankarstvo da li se, u narednom periodu, planiraju posebne mjere u bankarskoj i kreditnoj politici u Bosni i Hercegovini, pored već donijete odluke o mogućnosti reprogramiranja kredita građanima, koji su izgubili posao zbog recesije, odnosno pravnim osobama, koje su u izuzetno teškoj situaciji zbog kreditne prezaduženosti i ekonomske krize.

U kontekstu cjelokupne situacije i mjera za ublažavanje efekata globalne finansijske krize na ekonomski sektor u Bosni i Hercegovini, treba cijeniti osnovnu ulogu Agencije za bankarstvo Federacije Bosne i Hercegovine (u daljnjem tekstu: Agencija), koja se ogleda u zaštiti depozita i stabilnosti bankarskog sustava u Federaciji Bosne i Hercegovine.

Agencija je donijela Odluku o privremenom reprogramu kreditnih obveza fizičkih osoba i postupanje banaka u Federaciji Bosne i Hercegovine ('Službene novine F BiH', br. 40/09) i Izmjenu i dopunu Odluke o privremenom reprogramu kreditnih obveza fizičkih osoba i postupanje banaka u Federaciji Bosne i Hercegovine ('Službene novine F BiH', br. 53/09). Odlukom je omogućeno fizičkim osobama – korisnicima kredita, koji ne mogu uredno servisirati svoje kreditne obveze, da - uslijed utjecaja finansijske krize (gubitak posla, značajno smanjenje plaće, neuredna primanja plaće i slično) - mogu podnijeti banci zahtjev za reprogram vlastitih kreditnih obveza. Navedeno se može realizirati na slijedeće načine:

- produženjem krajnjeg roka za otplatu kredita, najduže do 12 mjeseci, čime se smanjuju rate kredite ili
- odobrenjem *grace* perioda, u toku otplate kredita, najduže 12 mjeseci, za koji se produžava i krajnji rok za otplatu kredita. U *grace* periodu dužnik plaća samo obračunatu kamatu.

S ciljem dodatnog ublažavanja negativnih efekata globalne financijske krize, Agencija ima namjeru donijeti odluku o privremenom reprogramu kreditnih obveza i za pravne osobe, za što će trebati suglasnost MMF-a, kao uvjet iz potpisanog stand-by aranžmana.

Likvidnost bankarskog sustava u F BiH je na zadovoljavajućoj razini, usprkos prenošenju globalne financijske krize i njenih negativnih efekata na financijski i ekonomski sustav Bosne i Hercegovine.

Drugi dio poslaničkog pitanja, koji se uglavnom odnosi na realni sektor, odnosno na posljedice globalne financijske krize u realnom sektoru Bosne i Hercegovine, nisu u nadležnosti Agencije, nego drugih državnih i federalnih institucija.

Agencija je prvenstveno zadužena za nadzor bankarskog sektora, sektora mikrokredita i poslovanja leasing društava u F BiH.

S poštovanjem,

DIREKTOR

Zlatko Barš